

Ured visokog predstavnika i specijalnog predstavnika EU pozdravlja usvajanje Revidirane strategije za provedbu Aneksa VII



Ured visokog predstavnika i specijalnog predstavnika EU pozdravlja današnju odluku Doma naroda BiH da usvoji Revidiranu strategiju za provedbu Aneksa VII Daytonskog mirovnog sporazuma. Ovim je Strategija sada zvanično usvojena.

Strategija za provedbu Aneksa VII obuhvaća mjere potrebne za pomoć održivom povratku, te potvrđuje potrebu da se osigura pomoć za integriranje u lokalne zajednice interno raseljenih osoba koja nisu u mogućnosti vratiti se u svoje domove. Strategija predstavlja značajan napor ka okončanju procesa povratka u zemlji te ima podršku međunarodne zajednice u BiH.

OHR/EUSR sada poziva nadležne vlasti da osiguraju potpuno provođenje strategije kako bi se za 113.000 interno raseljenih osoba obezbijedila trajna stambena rješenja u zemlji.